

breviores habet, has per medium ferre corpus expandit. *Corpore* quoque est recurvo, et crassiore, grandiore ventre.

vis, sed acutissimus et durissimus aculeus extat.

Utrumque branchiarum operculum alio et quidem longiori armatur. *Maxillae* extrema sui parte asperiores dentium vice funguntur. Ante pinnae, cartilaginei cirri, utrinque terni dependent. *Ventrem* habet planum. *Caput*, dorsum, latera et pinnae rubra. *Ventriculum* cum multis appendicibus satis carnosum. *Intestina* lata, inter se convoluta, et multa pinguedine obducta, *hepar* subalbidum sine *felle*. *Splenem* rubrum et parvum.

Littoribus ab Oppiano accensetur. Aristoteles et Aelianus inter illos et pelagios ambigere dixerunt. Inter Brasiliam et Portugalliam densis agminibus volant, et aliquando milleni, saepe centeni capiuntur. Pinnarum magnitudine adjutus in nando celer est.

Carnem habet plurimam, albam, duram, et siccam. Diphilus Milvo praeposuit, quia friabilis, haud temere salubrem censeas. Ab Hipocrate in pituitosis morbis conceditur. Romae frixus et aurantii mali succo irroratus, editur, quidam nec elixum aspernantur.

ARTICVLVS III.

De Milvo, Hirundine Plinii, et Lyra.

MILVUS seu *Milvago* Plinii idem est cum *Hirundine* Graecorum Rondeletii Aldrovando, Graecis *εραξ*. Oppiano *ἡραξ* id est Accipiter dicitur, quod Accipitris species inter aves Milvus fit. *Pinnis* caudaque expansis Milvum avem omnino refert, latis nimirum et maculosis. *Corpore* est rotundo, oblongo, majori ex parte nigro rubescente, aliquando omnino rubro. Sesquipedalem mensuram, vel maxime auctus non excedit. *Caput* habet osseum, quadratum, durum, asperum, cujus pars posterior duobus iisdemque magnis et robustissimis aculeis, ad caudam spectantibus armatur. *Branchiae* quae tectae, opercula ossea in duos aculeos robustos desinentia gerunt. *Pinnae* stellulis maculisque variis asper-

guntur: *Squammæ* osseae, asperae et triangulares serpentium more inter se committuntur. *Cauda* unica atque lata pinna terminatur. Quantum ad interiora, *Lingua*, et palatum splendore Sandaracum, vel Cinnabarim superant, his noctu lux, ac si candentes carbones ore continerentur. *Ventriculus* mediocris multis appendicibus munitus est, *hepatis* pallido vesicula fellis committitur. *Lien* est oblongus et subruber. *Uterus* bifidus, ovis rubentibus refertus. *Cor* angulatum.

Qui Hirundinis nomine Aldrovando ex Hispania missus erat, sub oculis ex violaceo albicabat, cancellis, quae ad aureum colorem vergebant, exceptis. *Alas* habebat longissimas et latissimas, ex caeruleo viri-

Aelian. H. A. l. 2. c. 3. Solitarios esse captura arguit, singuli et pauci capiuntur. Cum aliquid metuunt, ex mari exilire dicuntur, sed humiliter volant.

TAB. XVII. **10. II.** **CVCVLVM** Graeci *κόκκυρα*, seu a sono, quo avis ejusdem nominis more obstrepat, ut Aristoteles et Athenaeus testantur; seu quod cum retibus capitur vocem *κκ* exprimat, dicunt. Psellus *κοκκύγιον* nominat. Typhon apud Athenaeum cum *τῇ τριγλῇ* sit similis, cum Trigola eundem a quibusdam haberi prodit.

Totus piscis rotundus est carnosusque, vix tres libras superat. Toto corpore praeterquam in medio latere, in quo virga ex tenuibus squammis contexta protenditur, *glaber* est, in dorso a capite ad caudam duo squammarum ordines deferuntur. *Caput* ipsi magnum, osseum, angulosum, totum caelatum, alicubi *aculeis* munitum. *Rostrum* in duas longiusculas eminentias semicirculum constituentes terminatur. Super utrumque oculum supercilii loco bre-

TAB. XVII. **12.** *Aldrov. de Piscib. l. 2. c. 5.*

Oppian. Hal. l. 1. v. 97.
Arist. H. A. l. 8. c. 13.